

اللقاء) 10 (| # وأنذرهم يوم الحسرة | د. أحمد جلال

أحمد جلال

السلام عليكم ورحمة الله وبركاته اعوذ بالله السميع العليم من الشيطان الرجيم. بسم الله الرحمن الرحيم الحمد لله رب العالمين والصلوة والسلام على اشرف المرسلين سيدنا محمد وعلى الله وصحبه ومن تبعهم باحسان الى يوم الدين اما بعد - 00:00:00

اليوم باذن الله تبارك وتعالى يعني هنرراجع مراجعة خفيفة على خطبة الجمعة. ونكملا ما بدأناه في هذه الخطبة خلونا من البداية نتفق على حاجتين الامر الاول ان كل انسان منا يسعد في هذه الدنيا من اجل ان يكون سعيدا - 00:00:27

كلنا الشباب اللي اللي طلبة جامعة معنا النهاردة لسه مخلصين كليات يدوبك ما فيش ساعة مسلا وجم جري مسلا علشان يحضروا درس. هو بيطلب من وراء ذلك رضا الله والسعادة في الآخرة - 00:00:52

ووالدنا الكريم اللي طلع برة برة مصر واتغرب وقعد سنين طويلة جدا برة لو جيت سأله انت بتجمع الفلوس ليه وبتتعب نفسك في السفر برة مصر ليه؟ يقول لك انا عايز اضمن لولادي حياة سعيدة - 00:01:10

حتى الانسان منا حتى لو عصى ربنا سبحانه وتعالى اه بحكم انه انسان هو بيرجو من وراء المعصية انه يكون سعيد اتعرف على بنت عايز يكون سعيد رغم طبعا ان ده لا يأتي بسعادة ولا يأتي بالتعاسة طبعا ده يقين - 00:01:29

تلاقى سبحانه الله يشتغل شغلانة التعب فيها غير طبيعي. بس هو عايز يبقى فرحان عايز يبقى سعيد. يجيب فلوس من ورا الشغلانة اللي الزوج لما بيتزوج ربنا سبحانه وتعالى بيأخر الحمل بعض الشيء عند زوجته بتلاقيه ممكن يصرف الاف مؤلفة - 00:01:50

علشان ربنا يرزقه الولد ولو سأله ليه؟ عايز يبقى سعيد بالولد ده فازا كان ده سعي الانسان اصلا لسعادة الدنيا العاقل لازم زي ما هو بيتعصب في الدنيا علشان يكون سعيد - 00:02:10

طبععي جدا انه لازم يتعصب في الدنيا علشان يسعد في الآخرة والله سبحانه وتعالى يقول والآخرة خير وابقى. الآخرة هي اللي باقية. وهي الافضل وهي الاحسن بل لا تقارن الدنيا بالآخرة اصلا - 00:02:29

في اكتر شيء بيزعزع الانسان لما بيراجع نفسه لما بيراجع نفسي بلاقي دايما ان انا ياما بجتهد ان انا افرح نفسي او افرح اللي حواليا وبزعزع جدا من نفسي ان في كتير من الاوقات انا ما بسعاش لسعادتي في الآخرة. زي ما انا بسعي بسعي في الدنيا لسعادتي - 00:02:51

في الدنيا بردو حد عنده محل. فممكنا المحل ده شاغله كتير جدا. وتلاقيه ممكن يسافر مسلا يعني بلاد بعيدة جدا يجيب بضاعة على عشان يبيع ويشتري وربنا يرزقه ويعطيه. كل ده عشان يبقى سعيد. دنيا - 00:03:14

طب في نحنا يا اخوانا سعينا لسعادتنا في الآخرة. ده قانون لازم يكون واضح عندها كلنا. والانسان منا اللي مش هيتعصب في الدنيا علشان يسعد في الآخرة صدقوني ده حصرته ه تكون شديدة يوم القيمة - 00:03:36

زي ما انت بتسعد في الدنيا وبتسعى علشان تسعد في الدنيا برضه اسعي في الدنيا علشان تسعد في الآخرة. ده قانون مهم جدا القانون الثاني ان اللي عايز يوصل للسعادة بيتعصب شوية - 00:03:56

بس احنا بنتحملها علشان السعادة. نفس الكلام. السعادة في الآخرة محتاجة منا تعب شوية. محتاجين نتعصب شوية علشان الآخرة محتاجين نتعصب شوية علشان الآخرة في ناس عملت كده تعبت في الدنيا شوية قيامها بالليل في قرائتها للقرآن في سعيها لطلب العلم في درس علم في مسجد في رمضان - 00:04:14

طول شوية والحر شديد فواقيفين على رجلיהם. فيه ناس تعبت. بس صدقوني الناس دي السعادة بتفضل ملازماها من من ساحة

الطاعة لحد ما تقابل ربنا سبحانه وتعالى في ناس بتتتعب في الدنيا - 00:04:43

علشان تبقى فرحانة في الآخرة يكفي الناس دي حديث واحد بس يعني حديث واحد بس. بين روایتین بتوعه. الحديث الاولاني اذا دخل اهل الجنة الجنة. الناس تعبت في الدنيا قابلت ربنا يوم القيمة. دخلت الجنة. فقال الله سبحانه وتعالى يا اهل الجنة هل رضيتم - 00:05:02

انتم رضيتم بما انتم فيه؟ قالوا يا رب وما لنا لا نرضى. وقد بيضت وجوهنا؟ يعني يوم ما تبيض وجوه تسود انت اكرمنا ان وجونا ابيضت. وقد بيضت وجوهنا وادخلتنا الجنة ونجيتنا من النار - 00:05:29

فما لنا لا نرضى؟ الروایتین بقى فيقول الله عز وجل اليوم احل عليكم رضوانى فلا اسخط عليكم ابدا تخيل ان يوم القيمة لما تسمع الكلمة دي من ربنا سبحانه وتعالى. اليوم احل عليكم رضوانى فلا اسخط عليكم ابدا - 00:05:49

الرواية الثانية فيقولون اي رب وما لنا لا نرضى وقد بيضت وجوهنا وادخلتنا الجنة ونجيتنا النار؟ فيقول الله سبحانه وتعالى يوم اعطيكم ما لم يعط اعطا احدا. في كشف ربنا تبارك وتعالى عن وجهه الحجاب فما اعطوا - 00:06:13

شيئا احب اليهم من لذة النظر الى وجهه الكريم ما فيش سعادة بعد كده. ما فيش سعادة بعد كده بقى خلاص. لأنهم خدوا اعلى سعادة. انهم شافوا ربنا سبحانه وتعالى - 00:06:33

فما اجملها من لحظات اللحظات اللي الانسان فعلها يسعد فيها. قال النبي صلى الله عليه وسلم فيقول الله سبحانه وتعالى وابن اهل البلاء؟ فيتقدمون. الناس اللي كانت في بلاء شديد في الدنيا وصبرنا وراضية ومحتسبة - 00:06:48

فيقول الله سبحانه وتعالى ما فعلتم في الدنيا قالوا اي رب ابتلينا فيك فصبرنا. كنت بحب ولد ولما عرفت ان ده لا يرضيك انا سبته. فانا اتألمت بسبب ترك الولد ده او العكس كنت بحب بنت وسبتها. علشان انت لا تحب هذا. انا كنت بحب معصية معينة - 00:07:08

انا فسبتها لانك لا تحب هذا. انت امرتني وحثتني على قيام الليل فانا قمت بالليل قيام ليل. رغم ان انا جاي من شغلي تعان فعندى عمل تاني يوم. انا كنت حريص على بري لوالدي ووالدتي رغم التعب والعناء. رغم التعب والعناء. بس علشان ربنا يرضى - 00:07:35
امبارح كنت في زيارة لحد بيقول لي آآان هو كان مريض شوية. فيبيقول لي واحد صاحبى فضل ملازمنى في المستشفى الاربعة وعشرين ساعة الاربعة وعشرين ساعة يقول لي لعلك تحتاج حاجة؟ لعل زوجتك تحتاج حاجة. لعل اولادك يحتاجوا حاجة. فانا دايما جنبك. فسألته انت بتعمل كده ليه - 00:07:55

فضحك كده وقال لي اووعي تظن ان انا بعمل كده علشانك. ده انا بعمل كده علشان ربنا بيحب كده انا بعمل كده علشان ربنا بيحب كده. وامرني بکده. فبهزر معها مش عشانك ها؟ مش عشانك ده عشان ربنا. ما هو اللي امرني ان انا - 00:08:15

يعني ابدل من اجل اخي. ابدل من اجل اخي. فهو تعب وعطل حياته شوية علشان يرضي ربنا. اللي يتعب ده يا رب ابتلينا فيك فصبرنا. ابتلينا فيك فصبرنا. شاب من الشباب كان بيعمل في في دولة معينة من دول الخليج مشهورة والعياذ بالله - 00:08:32
الفواحش وكان بيجر جبرا كده كان بيقول لي انا باخد بما يساوي تلاتين الف جنيه مصرى في الشهر. ولكن انا اجبر جبرا ان انا لا اصلي. ما فيش حاجة اسمها صلي. انت عندنا تفضل شغال معنا الا لما تروح بيتك ابقى صل. اجبرت جبرا اجمع - 00:08:52

طهر وعصر ومغرب وانا مروح على العشاء. فحسبيت ان ديني بيضيع مني. فسبته وجيت اشتغلت هنا في الدنيا الملعوبة في مصر ابتلينا فيك فصبرنا. ابتليت في احب الناس اليها في ابنتها. او في ابنها مرض شديد او بلاء شديد. ومع - 00:09:12

ذلك ما كانت تقول الا ما يرضي الله سبحانه وتعالى. ابتلينا فيك فصبرنا. بس الناس دي اللي تعبت في الدنيا علشان ربنا سبحانه وتعالى. الشاب اللي انا مقدر الان مقدر الان قدر البلاء الشديد في الجمع - 00:09:32

يعني انا لست اخ من اخوانا المتزوجين. وعنده اولاد ربنا يبارك يا رب. شغال في الجامعة بيقول لي انا بخش الجامعة وعارف قدر الفتنة اللي ولادنا وشبابنا بيفتتنا بها في الجامعة. من شدة البلاء اللي موجود هناك. ومن عري البنات في الجامعة - 00:09:50
فيبيقول لي انا شايل الهم وانا متزوج. فما بالك الشاب اللي مش متزوج؟ يأتي هذا الشاب بين يدي الله فيقول اي رب ابتلينا فيك انه يكون ارزاقى على باب الله شاب على باب الله كهربائي ولا نجار ولا ايا كانت وظيفته سهل جدا انه - 00:10:12

يوضح علي ويأخذ يعني مني فلوس قد كده. ولكن قال انا اللي يرضي الله. انت بس المشكلة عندك الكهرباء كانت حاجة بسيطة كده انا مش عايز العشرين جنيه. مع انه كان سهل يوضح علي ويقول لي ده كان فيها مشاكل كزا وكزا وكزا ومحتاجين كزا. ويدرس لي في 00:10:32 -

تلتميتن جنبيه. ابتلينا فيك فصبرنا. اب كريم من اباءنا الكرام ابنه بيموت بين ايديه. محتاج عملية كبيرة جداً محتاجة عملية كبيرة جداً. وتعارض عليه رشوة كبيرة جداً. ورفض الرشوة. النهاردة بعد صلاة العصر - 00:10:52

كنت في مشوار قضاء حاجة مع احده اخوانا الطيبين يعني لو احنا عند الشخص اللي احنا كنا عند ده بيقول لي انا في عز ما انا في ازمة كبيرة جداً. ازمة مادية شديدة جداً - 00:11:12

ولازم يكون معي فلوس. تتعرض علي رشوة قد كده. وانا محتاج فلوس. ومع ذلك سبتها لله سبحانه وتعالى فبسأله طب وانت ايه اللي بيعينك على كده؟ قال لي انا لو تعبت او مرضت بحط ايدي على مجال التعب كده واقول بسم الله ارقيك - 00:11:29

من كل شيء يؤذيك ومن كل شيطان وهم ومن كل عين لامة. بقول الله رب الناس اذهب البأس اشف انت الشافي لا شفاء الا شفاؤك. اللهم مين الشفاء لا يغادر سقوءة بيقول لي تاني يوم الصبح بيبقى كويس. والله العظيم كده بيقول لي تاني يوم الصبح بيبقى كويس. فانا لا يمكن اخذ - 00:11:49

حاجة حرام تخش الجسم تلخبط كل حاجة عندي. لا انا مش عايز كده. فدول لما يقفوا بين ايدين ربنا يا فرحتهم. لما ربنا فسبحانه وتعالى يقول لهم ما فعلتم في الدنيا؟ فيقولون اي رب ابتلينا فيك فصبرنا. ابتلينا فيك فصبرنا - 00:12:09

احده اخوانا الشباب كنا في زيارة له في القاهرة عمل حادثة ورجله في الحادثة تم بترها. وهو من الشباب اللي ايه ما شاء الله في الكورة لعيوب كورة. لعيوب كورة - 00:12:29

ومع ذلك استقبل البلاء كده انا لله وانا اليه راجعون. يعني اللهم اجرني في مصيبي واخلفني خيراً منها. راضي بالله ربنا وتعالى قدره عليه. فيقول الله لهم يوم القيمة ما فعلتم في الدنيا؟ فيقولون اي رب - 00:12:43

فيينا فيك فصبرنا؟ فيقول الله عز وجل ادخلوا الجنة بغير حساب ولا سابقة عذاب. هي دي الفرحة هي دي السعادة. هي دي السعادة الدائمة الباقية. اللي والله يا اخوانى اي سعادة في الدنيا بتنتقضى مهما كانت - 00:13:03

او مهما كانت يعني طول فترتها هتنقضى هتخلص. هي الدنيا كده اصلاً. انما السعيد فينا اللي يشتري السعادة الباقية سعيد فينا اللي يشتري السعادة اللي بتدوم. السعيد فينا اللي يشتري السعادة يسمعها من ربنا سبحانه وتعالى. ابو بكر - 00:13:23

في الصديق رضي الله عنه والله يا اخوانى انا كان نفسي اكون مع النبي صلى الله عليه وسلم في وقت نزول هذه الآيات. والصديق رضي الله عنه عمال بيجري في الدنيا. عمال بيجري في الدنيا بعدما كان سيداً من عما عزيزاً في قومه - 00:13:45

ابو بكر الصديق كان حد كده مكة كلها تمنى ان هي تروح تقدر معه شوية. بعد ما اسلم مع النبي صلى الله عليه وسلم وبدأ بقى يعني مرحلة الجهر بالدعوة بعد تلات سنين من البعثة بدأت الجهر بالدعوة وبدأ بقى العذاب والشدة واللام - 00:14:05

للنبي صلى الله عليه وسلم شافها والصحابة شافوها ابو بكر الصديق كان بيضرب في مكة. بعد ما كان من اغنى اغنياء مكة من اغنى اغنياء مكة اصرف ما له كله لشراء المعدبين في سبيل الله. ويقعد مع النبي صلى الله عليه وسلم ببردة كده بعباءة كانت مفتوحة - 00:14:25

حب يزورها ما عندهوش فلوس يشتري زرار. يقفل به العباية فخللها بالخلال الخلال اللي هي الخلة. عارفين الشوكة كده قافلها بالشوكة كده. لا يلبس هذا الا الفقراء. النبي قاعد معه. فنزل جبريل فقال يا محمد ان - 00:14:45

طه يفترث السلام. واقرئ ابا بكر من الله السلام ومني السلام. وقل له يا ابا بكر ان الله عز وجل اقول لك وانت اللي كنت منعم من عني الدنيا كلها تمنى تيجي تقدر معك شوية. واخبره يا ابا بكر ان الله يقول له - 00:15:05

يا ابا بكر راض انت عنني في فقرك هذا؟ ام انت على ربك ساخط؟ فبكي ابو بكر رضي الله عنه بكاء الفرح وقال بل انعم ربى راد انعم ربى راد انعم ربى راب. المسألة مش سمع الصديق للنبي وهو بيقول له - 00:15:25

ان الله يقرنك السلام. ولا ان جبريل يقرنك السلام. ولكن ان في الوقت ده بالوضع ده تنزل ايات وسيجنبها اللاتقى. انت يا ابا بكر ربنا حرم جسده على النار خلاص. هذه بشاره - 00:15:45

هذه بشاره وسيجنبها اللاتقى الذي يؤتى ما له يتزكي وما لاحد عنده من ما تنتجز الا ابتغاء وجه ربه الاعلى ولسوف هي دي. كيف كانت مشاعر ابي بكر الصديق رضي الله - 00:16:05

عنه لما سمع ان الله يقول له ولسوف يرضى. مشاعره كانت ايه في الوقت ده وسعادته دي هيكون شكلها ايه؟ وسعادته في الآخرة شكلها ايه؟ لما تكفل الله عز وجل بانه سيتولى بنفسه ان - 00:16:25

ترضى ابا بكر الصديق رضي الله عنه تعب؟ اه تعب. تعب؟ بس تعب علشان يبقى راضي. مرضي هو تعب علشان يجني سعادة الدنيا. قبل سعادة الآخرة. تعب علشان لما يقابل ربنا سبحانه وتعالى ما - 00:16:43

الشاي اهم يوم الحسرة. ما يبقاش شايل هم يوم الحسرة. كل الصحابة رضي الله عنهم كده. كل واحد منهم كان عنده حاجة معينة. ضحى ابها وتعب شوية في الدنيا. يرجو بذلك انه يبقى سعيد في الآخرة. ويبقى سعيد في الدنيا الاتنين مع بعض. ما هو قانون ربنا - 00:17:03

انه من طلب سعادة الآخرة اعطاه الله سعادة الدنيا قبل الآخرة. شوفوا عمر ماذا فعل وابن مسعود وابي ابن كعب وسالم مولى حذيفة شوفوا معاذ ابن جبل وعلي ابن ابي طالب وعثمان ابن عفان شوفوا ازاي كل واحد من دول تعب في الدنيا علشان ربنا - 00:17:23 علشان ربنا يسعده. وعلشان ربنا سبحانه وتعالى يفرجه. والله يا اخوانى انا في بعض الال خير كده اهل الفضل كده والله ما هماش ملتحين. ولا عائلاتهم ملتزمة. ناس عاديين جدا. ولكن فطارهم - 00:17:43

سليمة. ولكن فطارهم سليمة لما واحد منهم امبارح كنت قاعد مع اقرب الناس له جاي الورم على صدره على الرئة حجم الورم اتنين كيلو اتنين كيلو على الرئة يقول لي اروح ازوره - 00:18:03 وانا رجلي بتطلع خطوة وبترجع عشر خطوات. هقباله ازاي وهقول له ايه؟ يقول لي ومع ذلك اروح ازوره في الله سبحانه وتعالى. والله العظيم لا الاقيه فرحان ولا في عينه حزن. ولا في عينه زعل. ولا في عينه خوف. ولا في - 00:18:32 انه انا هعمل ايه بكرة واروح اقول له يا ابني انت اخبارك ايه؟ يقول لي الحمد لله والله العظيم ده ده انا في نعمة اقسم بالله ما بعدها نعمة يقول له بص - 00:18:52

انا قرأت كتير جدا عن الورم اللي عندي. هو بيقول له كده. انا قرأت كتير جدا عن الورم اللي عندي وعارف ان اقصى مدة على الاطلاق ممكن اعيشها سنة ونص. دي اقصى مدة قالها الاطباء - 00:19:11

بس الناس دي مش فاهمة شوفوا يا اخوانا شوفوا يا اخوانا الانسان اللي هو حاسس انه قريب من ربنا وربنا قريب منه فيبيقول له الناس دي بتقول اقصى مدة ممكن يعيشها سنة ونص. تمنتاشر شهر. بس الناس دي مش فاهمة. بتوزن الموازين - 00:19:31 تونيا ما عندهمش حاجة اسمها ربنا. احنا بقى لا في دماغنا سنة ونص ولا التمنتاشر شهر ولا الكلام ده كله. احنا عندنا ربنا شوية صدقات على شوية اعمال خير على شوية احسان مع الله سبحانه وتعالى هيبقى مزاجنا زي الفل. انا عارف - 00:19:52

العملية اللي انا داخلها بعد اسبوعين ثلاثة نسبة نجاحها قليلة جدا. بس هم بيقولوا كده ده بميزانهم هم. انما احنا بقى علشان احنا ده ناس عبيد الرجال اللي انا بتكلم معه دلوقتي ده بتكلم عنده دلوقتي حد بيلاع مسلا في سبعمية تمنميت مليون جنيه راس مال - 00:20:12

بس احنا عندنا ربنا احنا عبيد لربنا. ان شاء الله بازن الله شوية عبادة وطاعة وقرب من ربنا كده. كل حاجة هو مين اللي بيسفي ومين اللي ومين اللي بيرفع ومين اللي قعد يقول كلام كده انا ما فهمتوش - 00:20:33

انا ما فهمتوش ما فهمتوش الى يوم العملية. يوم ما اتعمل العملية يقول لي والله العزيم انا كنت واقف مطلعين ورا بقد كده ويعملوا التحاليل ويطلع حميد ويكون يعني يخرج سليم معافى زي الفل - 00:20:51

دي الناس اللي ربنا بييجبرها بيسعدها في الدنيا قبل الآخرة. تعال بقى دعبس ورا دول تلاقي في عبودية حاقة بينه وبين ربنا سبحانه

وتعالى عبودية حقه سواء حصل شفاء. سواء البلاء أتوفي او ما اترفعش. هو الاتنين عنده واحد - 00:21:10

هو الاتنين عنده واحد. ما هو ممکن يشفی. وممکن يظل البلاء. احنا الاتنين عندنا واحد. راضيين بالله ربنا سبحانه وتعالى بقدرها تلقي الانسان ده سعادته في الدنيا اي عبدي ما فعلت في الدنيا؟ قال اي ربی ابتليت فيك ابتلينا فيك فصبرت. طيب ادخلوا الجنة بغير حساب - 00:21:30

ادخلوا الجنة بغير حساب. دي ناس دورت على السعادة في الدنيا ودورت على السعادة في الآخرة. وجرت وبذلت وتعبت فتكوني نتيجة ان ربنا يسعدها. حطوا بقى الصنف ده على جنب وانا باقول لكم اهو - 00:21:50

لازم كلنا نبقى مع الصنف ده. لأن احنا لو ما عملناش ده هنتعجب هنتعجب جامد ربنا سبحانه وتعالى سمي القيامة بيوم الحسرة. وفيه فرق كبير ما بين الحسرة والندم هو عبارة عن مراحل من الحزن - 00:22:07

مراحل من الحزن الندم ممکن يزال. يعني لو واحد مثلا في يوم من الايام اذنب ذنبا فندم. ان ندم الندم ده يزيل الذنب ولما تندم تفرح. ما هو الندم توبة. فانت تفرح. انما الحسرة مصيبة. في اعظم درجات - 00:22:30

هي الحسرة. اشد انواع الندم هي الحسرة. وربنا سبحانه وتعالى سمي القيامة ان ده يوم الحسرة وانذروا يوم كذلك يريهم كذلك يريهم الله اعمالهم ايه؟ حسرات عليهم. فيملئ ايام الحسرة على مين؟ على ناس معينة كده عملت حاجات عايزين نحذر منها بقى. تعالوا مع بعض نركز في شوية - 00:22:53

اعمال السيئة دي اللي يقول للناس خدوا بالكم واحد اتنين ثلاثة اربعة خمس ست سبع اعمال كده. دي اللي هتخليك يوم القيامة تتحسر. احنا مش عايزين ده عايزين ان شاء الله يوم القيامة بالنسبة لنا يوم سعادة. عايزين من الناس اللي ربنا سبحانه وتعالى قال في شأنهم واما الذين سعدوا. عايزين نسعد. مش عايزين - 00:23:23

ان شاء الله يكون في عندنا مصيبة لان الحسرة دي يا اخواننا كتير من الناس بيظنو ان الحسرة دي هتببدأ من من يوم القيامة من اول الاهوال مثلا لا. حصلت دي بتبدأ من ساعة الموت - 00:23:43

الحصة دي بتبدأ من ساعة الموت لما يحس فعلا هو قد ايه ضيع وقد ايه اهلك او قات في دنيته؟ قد ايه ما كانش ينفع يدي الدنيا القدر الكبير ده من الوقت - 00:23:56

قد ايه ادى للآخرة وقت صغير قوي وقليل قوي يزعل خالص لما ا تعرض عليه انه يطلع عمرة مع اصحابه ورفض هيتحسر جدا لما وهو بيموت كده يستشعر ويفتكر كل اللي زمايله قالوا له عليه تعال نحفظ مع بعض قرآن هيتحسر - 00:24:13

قال الله سبحانه وتعالى وبيحذرنا من اللحظة دي وانفقوا مما رزقناكم من قبل ان يأتي احكم الموت فيقول ربى لولا اخترتني الى اجل قريب. فهل صدق واكن من الصالحين فالحصرة الاولى هي حسرته على اوقات ضاعت عليه ما عبده فيها ربنا - 00:24:33 حصرته على ذنوب كثيرة جدا. شافها عبارة عن شريط فيلم بتتعرض عليه حياته كلها واشد انواع صلاته في الوقت ده هو حصرته انه نفسه يتوب ومش عارف يتوب ومش عارف يتوب. قال الله سبحانه وتعالى بلى من كسب سيئة واحاط - 00:25:04 خذ به خطيبتك. فاولئك اصحاب النار هم فيها خالدون. اتفقت كلمة المفسرين على قوله احاطت به اي احاطت به عند موته. فلا استطاع ان يتركها ولا استطاع ان يتوب الى الله منها. له عالم في - 00:25:29

سبها ولا عارف يتوب الى الله سبحانه وتعالى من هذا الذنب. وقول الله سبحانه وتعالى وحيل بينهم وبين ما يشتهون اكتر حاجة بيشهبها هذا الانسان اللي ضيع فترات طويلة من حياته. اكتر حاجة بيشهبها دقیقة واحدة. يقول فيها - 00:25:49

رب بت فاغفر لي. ربنا سبحانه وتعالى يقول حيل بينه وبين ما يشتهون. اعظم شيء يشهبها الانسان وقت الموت دقیقة. يرجع فيها للدنيا علشان يتوب بس. علشان يتوب بس فكان الحسن البصري رحمه الله يقول ايه الناس بادروا بالتوبة. بادروا بالتوبة. فان الله يقول - 00:26:10

قيل بينه وبين ما يشتهون. اياك ان يجتمع عليك حسرتان حسرة الموت وحسرة الفوت. حسرة في الموت انك بتموت وسايب اهلك وسايب اغل الناس بالنسبة لك. وحسرة الفوت فات عليك وقت التوبة. ما عدش ينفع ترجع علشان - 00:26:41

مش عايزين يجتمع علينا الحصريتين دول. احنا عايزين يعني انا بضيف كلمة كمان للحسن ويا حسرة رؤية مشاهد صعبة على الانسان في هذه اللحظة. رؤية اللي يصعب على اي انسان منا انه يعقلها اصلا - 00:27:01
رؤية نزول ملائكة من السماء. تحمل اكفان النار وحانوت النار. علشان يكون ده مصيرها هذا الانسان مشهد قول الله تبارك وتعالى ولو ترى اذ الظالمون في غمرات الموت والملائكة باسط ايديهم. اخرجوا انفسكم. اليوم تجزون عذاب الهون. من النهاردة عذاب. من النهاردة - 00:27:25

وعذاب مشهد اليم. المشهد اللي اعظم من كده كما قال صلي الله عليه وسلم ويفتح له باب الى الجنة وباب الى فباب الجنة تقول له الملائكة انظر الى هذا المقعد من الجنة فيرى من خيرها وما اعده الله فيها لاهلها - 00:27:58
فيقال له هذا مقعدك من الجنة لو اطع الله. ثم يقول له انظر الى هذا المشهد فينظر الى مقعده من الجنة الى مقعده الى الجنة.
فيقول هذا مقعدك بسوء عملك - 00:28:18

اي حسرة تصيب الانسان في هذا الموطن؟ بيجتمع على الانسان عند الموت العاصي الذي ابتعد عن الله فرط في طاعة الله هذه الحسرات حصلت انه سايب اهله. والله يا اخواني اسأل الله ما يكتبها على احد منكم ابدا - 00:28:36
بعدك عن اهلك وعن اولادك. انك تحس انك سايب اهلك واولادك صعبة. صعبة فعلا. بعد الانسان عن اهله وولده صعبة. من اشد انواع الالم النفسي ان التعقوب بعيد عن اهلك واولادك - 00:28:56

وبكرة يا شباب هتحسوا بالكلام اللي انا بقول لكم عليه ده. لما رينا يرزقك تلات اربع اولاد منهم ولد انت بتتحبه جدا او بنت بتتحبها جدا قلبك متعلق فيها وتقعد مسلا عشرين تلاتين يوم ما بتتشوفهاش. بيبقى الانسان منا هيتجنن. وبيتمنى ان الوقت بيجي بسرعة. والله العظيم - 00:29:20

انا عدت بعد الحج كده يومين كان في احدي اخواننا الافاضل بعد ما انتهى بيقول لي انا حاسس ان هو فينا لم يقبل مني فسألته ليه؟
من اخواننا الافاضل من الدعاة - 00:29:40

بيقول لي انا مش طايق جدا لاهلي واولادي وعايز اروح ومش عايز اقعد في مكتب واحشى ان يكون هذا نفاق. قلت له لا ده مش ولكن الخطوة الانسانية اللي رينا فضلك عليها مالك ابن الحوير وفكرته بهذا الحديث اللي يطمئن قلبه شوية. مالك ابن الحوت - 00:30:00

رضي الله عنه لما راح للنبي صلي الله عليه وسلم قال الملك ونحن شباب حزازوره نطلب العلم فتعلمنا قال فلما رأى النبي منا شوقا ليهليينا واولادنا قال النبي صلي الله عليه وسلم ارجعوا الى اهالكم وعلموني فكانوا بين ايدين النبي وهم الصحابة الكرام - 00:30:20
لولادهم ولاهلهم. تقول له لا ده مش نفاق ده ده البشرية بتاعته. فمن اشد لحظات الحسرة على انه سيد اهله واولاده. ويمكن بعض العلماء وهم يؤولون قول النبي صلي الله عليه وسلم ان الميت ليعدب ببكاء اهله على - 00:30:40

قالوا مش عذاب بمعنى عذاب زي عذاب القبر والكلام ده لا خالص. ولكن هو بيتألم نفسيا من شدة بكاء اهله عليه زي بالزبط كده واحد مسلا ابنه تعبان وميته بيعيط. انت اكيد شفتم الفيديو اللي كان انتشر على الفيس من فضلها؟ الاب اللي كان ابنه مريض - 00:31:00
دكتور بيدي لابنه الحقيقة في ابنته بيعيط فالاب ايه؟ بيعيط. الولد لسه جاي ياخذ حقته. فالواد بيعمل كده فالاب بيعمل كده. يعني تستشعر انه بالم اولادي. وهذه حسرة. حسرة انه مش قادر يتوب ومش عارف يتوب. حسرة رؤية الملائكة - 00:31:20

هي تبشره والعياذ بالله بالعذاب. حسرة مقاعد النار ومقاعد الجنة. ومن اصعب هذه اللحظات اللي بتكون فيها حسرة فعلى الانسان اللي بعد عن رينا سبحانه وتعالى هي اللحظة التي ينطق فيها الملائكة بمصير هذا العبد. حين تقول الملائكة - 00:31:40
ايتها النفس الخبيثة ايتها النفس الخبيثة كانت في الجسد الخبيث اخرجني الى سخط من الله وغضب وابشرني برب غير راض عنك اي حسرة بيسشعر بها الانسان في الوقت ده - 00:32:00

قلت لكم قبل كده وهافضل اقولها لكم الناس اللي بتغسل اموات من اكتر الناس معرفة بقيمة الكلام اللي انا بقوله لان ياما غسلنا ناس وهي بتحضر الدموع لا تتوقف من اعينها. بتعيط بتبكي - 00:32:28

وانت بتغسل حد كده تفضل تقول يا ترى ماذا رأى؟ وماذا سمع؟ علشان بيكي كل هذا البكاء في هذه اللحظات انا مش عايز اتحط في موطن زي ده. قارن بين ده وبين انسان تاني على على طاعة. على - 00:32:50

حالة طيبة مع الله سبحانه وتعالى. على قرب بيبدأ من البداية اللحظة دي لحظة موته دي تبدأ من البداية بانه يقوم لطاعة. شف شف يعني تستشعر في قول الله وحيل بينهم ان الحيلولة دي مش بايديهم - 00:33:15

ولكنها عقوبة من الله. فكان ان الله حال بين هؤلاء وبين التوبة تلاقي اخرين الله سبحانه وتعالى يدفعهم دفعا لطاعته. في اخر لحظات حياتهم كده. يعني اخر لحظات حياتهم كده تلاقي ربنا يدفعه طاعة - 00:33:35

وان كان هذا الانسان يا اخواني وان كان هذا الانسان ليس من اهل هذه الطاعة. خمس سنين كده ولا ست سنين طلع معنا حد كبير في السن جدا للحج يعني وضع ايه؟ ابنه سافر يحج. ابنه مش عارف دخل مسابقة دخل حاجة. فالولد فاز بالحج. فاهدى الحج لمين؟ اهدي الحج لوالده - 00:33:55

ناس من افقر ما يكون طلع الرجال يحج معنا واحنا طالعين يمسك في ده ويقول لي بالله عليك خد بالك منه بالله عليك حقينا في عرفة بدأ ملامح التعب لا ان شئت فقل بدأت ملامح الموت تظهر على الرجل. وانا والله رأيتها يعني - 00:34:23

في مني بدأت الامور تشتد جدا. الامر بقى اصعب واصعب. لحد ما انتهينا من الحج. وصلنا المطاف بصوا يا اخوانا بصوا يا اخوانا لما ربنا سبحانه وتعالى يراك في الدنيا كنت حريص على طاعته. ازاي بيختار لك انت - 00:34:47

تموت ازاي؟ الخميس بالليل توجهنا على مطار عبدالعزيز في جدة. واحنا في جدة خلاص ابنه بقى بيسلم لي ولد بيقول لي بالله عليك بقى ايه والدي معك بقى لحد ما الطيارة. كنت انا سبقت بساعتين ثلاثة دخلت الشنط بتعاتي وحاجتي انتظر هذا الوالد الكريم - 00:35:07

ودخلنا دخلتوا الحمد لله وزنت له واديته ختم جواز خروج خلاص. يعني في الجوازات خاتم خلاص وطلعنا خلاص قباء منتظرين الطيارة وقاعدین في المسجد بتاع المطار خلاص يعني فجر الجمعة - 00:35:27

فجر الجمعة لسة على الفجر ساعة ونص دخل قعد جنبي والله يا اخوانا وبدون اي مقدمات الرجال قاعد كده اتوا يعني قال لي اصلي ركعتين كده وقعد صلي ركعتين - 00:35:46

ومات ايه اللي يحصل؟ اي اجراء قانوني خد ختم خروج حطوه في تابوت وعلى مصر. لا ابنه بعد ما كان ماشي خلاص بقى راجع المكان اللي هو شغال فيه في السعودية آآاتصلت عليه والدك حصل كذا. نزلنا بسرعة تحت المستشفى. فالمستشفى - 00:36:00 الدكتور كشف عليه قال مات. خلاص الاجراءات الرسمية في التابوت ويطلع على فالدكتور ربنا يا رب كل خير قال لي قلت له ابنه شغال هنا وانا خلاص داخل علينا. قال لي خلاص انا هاعمل تحويل على مستشفى الملك خالد في جدة. بحيس ان الرجال ده ايه على ما يروح - 00:36:25

مستشفى تكون الطيارة طلعت وخرج خلاص من من المطار يغسل ويكتفن والنهاردة صلاة جمعة يتصل عليه في الحرم المكي ويدفن في مكة ايه ده! ايه ده! ويغسل ويكتفن. بعد ما خلص الحج وفي يوم الجمعة ويتصلى عليه في مكة. وفي في زحام - 00:36:48

بعد زحام وانت عارفين الزحام يوم الجمعة في مكة عامل ازاي. وزحام الجمعة اللي بتكون بعد الحج في مكة عاملة ازاي ويدفن في مكة. ايه ده ايه ده! ماذا بينه وبين الله؟ من هنا تبدأ السعادة. من هنا تبدأ السعادة. وشاء الله سبحانه وتعالى - 00:37:09

هؤلاء ونرى هؤلاء. علشان الانسان منا يستشعر كده ان ده طريق وده طريق. ودي لها عاقبة ودي لها عاقبة اي اختيار هذا؟ ابنه ينبح في مسابقة علشان يطلع ابوه يحج علشان يحج ويموت هناك. ويموت في المطار ويغسل ويكتفن وتصلوا عليه في مكة - 00:37:29

في يوم الجمعة بعد حج لها بقى. لا لا ده تدبير من ملك سبحانه وتعالى تدبير من الملك سبحانه وتعالى. ده اللي انت لازم تفهمه. هنا هنا ماذا رأى عند موته؟ وهو متوضي ينتظرك صلاة الفجر - 00:37:49

ورقة من حج ماذا رأى عند موته؟ هنا تبدأ بقلب الشوهات. ما فيش بقى حسرات خلاص هنا بشرىات البشرىات تنزل اليه الملائكة. بروح وريحان. والملائكة تقول له كده ايتها النفس الطيبة كانت في الجسد - 00:38:06

طيب اخرجي ابشي بروح وريحان. ورب راض غير غضبان. ويرى برضه مقعد انه شايف مقعد النار ده كان مقعدك لو عصيت ربنا بس الحمد لله انت ما عصيتش ربنا. شايف المقعد ده ويرى مقعده في الجنة. اي اي بشريات - 00:38:26

يلاقيها الانسان في الوقت ده. بسم الله الرحمن الرحيم. ان الذين قالوا ربنا الله ثم استقاموا تنزل عليهم الملائكة الا تخافوا ولا تحزنوا وابشروا بالجنة التي كنتم توعدون. طيب انت يا شيخ نسيت حاجة - 00:38:46

طاق الاهل والاولاد. مش انت قلت لنا ان دي حسرة؟ اه بس انتبه كمل الاية. كمل الاية. لأن الملائكة تعلم ان من شد الحسرات اللي ممكن تصيب الانسان. فراق الاهل والاولاد والخوف على الاهل والاولاد. الله سبحانه وتعالى قال الا تخافوا وله - 00:39:06
هوتوقع المكروه. مكروه جاي. الحزن على ايه؟ على شيء مضى. الملائكة بتقول لهم لا تخافوا من اللي جاي ولا تشيلوا هم اللي فات. ثم تقول لهم الملائكة نحن اولياوكم ها؟ في الحياة الدنيا - 00:39:26

وفي الآخرة ما تلقواش. لا على نفسكم ولا على ازواجكم ولا على اولادكم. انت يا بشرياتي يا حسرات اختار النهاردة لازم تختار. اي طريق تحب تمشي فيه. اي طريق تحب تمشي فيه. ما فيش انسان في - 00:39:46

في يوم من الايام سلك سلك المعصية وفرح. الشاب الخليجي اللي طلع اوروبا علشان يعني يبقى بعيد بقى عن اهله والناس و المعارف والكلام ده. ويفجر في ارض ويطلع ويستأجر والعياذ بالله حد للفاحشة وبعد ما يرتكب الفاحشة ويشرب الخمور وينام تاني يوم الصبح يقوم خلاص ده - 00:40:06

ليلة ما بعدها ليلة كتبت له ورقة وسابتها له على الكومودينو جنبه. مرحبا بك في نادي الايدز.انا مريض ابو الايدز وانت النهاردة خلاص الايدز انت كمان بقىت واحد معنا - 00:40:26

حصلات حسنات حسرات احنا مش عايزين ده احنا عايزين الثانية عايزين البشريات اللي تفضل معك يا ابني. عايزين رضا ربنا سبحانه وتعالى. هذا لا يناله الانسان ابدا الا في طاعة ربنا سبحانه - 00:40:39

وتعالى فارق كبير بين ايتين فارق كبير بين ايتين ما بين قول الله سبحانه وتعالى اولئك الذين نتقبل عنهم احسن ما عملوا ونجاواز عن سينائهم في اصحاب الجنة. تعال عنك حسنات؟ اه قبلناها. تعال عنك سينات؟ اه غفر الله غرفناها. وبين الثاني - 00:40:59
الآلية الثانية قال الله عز وجل اولئك لهم سوء الحساب. قالوا سوء الحساب هو الحساب الذي لا يتتجاوز الله فيه عن ذنبه تجاوز فرق كبير بشريات وحشرات عايز تختار ايه - 00:41:19

انت اللي بتحدد المصير. وانت اللي بتحدد الاتجاه. بسم الله والحمد لله والصلوة والسلام على رسول الله صلى الله عليه وسلم. وبعد تحديد الطريق اختيار العاقبة امر من الامور المهمة جدا لازم يكون واضح بالنسبة لنا - 00:41:34

احنا للأسف اتربينا من واحنا صغيرين انا عايز اخش طبي وبيعد انه يبقى طبيب بيجهد بقى في ابتدائي وفي اعدادي هو في اعدادي يخش مش عارف علمي علوم بعد كده في سانوي وبعد كده في تالثة سانوي يشد حيله جدا ويروح لاحسن المدرسين - 00:41:58

والدروس والمذاكرة عشان يبقى يجيب مجموع كوييس هو واضح عارف رايح فين واضح في واحد تاني مش واضح مش عارف يختار بتلقي دايما ده سايب نفسه كده مش عايزين ابدا تكون زي الثاني ده - 00:42:17

انا عايز يا اخواننا كل انسان فينا يبقى محدد احنا رايحين فين وايه اللي عايزه حصلت تعالوا مع بعض بقى نتدارس مع بعض كده الاحمال اللي بتؤدي والعياذ بالله الى حسرة الانسان في الآخرة - 00:42:38

اول عمل واخطر عمل واسوأ عمل. وهو والعياذ بالله المھلك للانسان وهو سبب كبير جدا من اسباب الحسرات ان يعمل الانسان العمل لغير الله عز وجل رباء الرياء انه دايما كان بيطلب بالعمل ده دنيا. مش ربنا - 00:42:54

من اربع سنين بالزبط من اربع سنين بالزبط النهاردة يعني بقالي تقربيا في المسجد هنا بالزبط تلات سنين واسبوع اخر الايام لي في الصديق جالي شاب وانا عايز التزم وعايز اتوب الى الله سبحانه وتعالى وعايزك تقف جنبي وعايز احفز قرآن كوييس ماشي. وبالله عليك ما تسيبني رائع - 00:43:19

واظهر لي همة وانت لو مسافر في حة انا عايز اجي معك. انا عايز السنين اللي فاتت اللي ضيعتها. انا عايز ابقى كوييس. انا مش عارف ايه كوييس ولكن سبحان الله - 00:43:54

في حاجة هنا كده والله وتمر الايام بيقول لي انا واحد في مشكلة كبيرة ايه المشكلة الكبيرة انا ابو خطيبتي بتصلني معك هنا على طول واحنا في مشكلة كبيرة جدا وما حدش هيحل المشكلة دي الا انت - 00:44:11

انا ما فيش اصل مشكلتي والله ان انا كنت باشرب مخدرات وابو خطيبتي عرف فهو فشكل الموضوع. فانا عايزك تقوله بقى ان انا ايه بقىت كوييس والتزمت وباحفظ معه القرآن - 00:44:35

هي لما لما بيلعب هنا كده سبحان الله فحاولت اصلاح لعل يلا يعني لعل انا اللي عندي سوء زن. اصلاح بقدر مصلح. اصلاح. فاتكلمت مع مع والدها قال لي ياما قال لي الكلام ده - 00:44:53

الجو صعب ومش عارف ايه فالهم قال لي خلاص والله نعمل اختبار قلت له خلاص سيب لي بقى الاختبار ده علشان يتبيين فعلا كان صادق ولا فقلت له خلاص انا هقول له ان انت رفضت واشوف رد فعله بعد يومين ثلاثة ايه - 00:45:12

اذا فضلوا لهم على حفظ القرآن وفضل مداوم على خلاص بيقى ده كوييس انسان كوييس وبيصلاح فعلا والله انا بمجرد بس ما قلت له ده ولديها رفض قال لي انا من يوم ما شفتك اصلا وانا عارف ان انت شيخ متشدد - 00:45:33

ماشي خلاص جزاكم الله خير شكراء انتم متخيلين اللي يصللي في يوم من الايام علشان مصلحة دنيوية امبارح كنت قاعد مع حد كده صديقي صاحب شركة كبيرة يعني وهو صاحبي ده ربنا يا رب يحفزه ويبارك فيه ان الناس طيبين بس مشكلته انه ايه انه آآآ لما يكتتب يخش في موت بقى المشيخة - 00:45:58

ولما الحمد لله الكتاب يروح يرجع تاني فيقول لي سبحان الله انا يعني اول ما بيجي لي بقى دور المشيخة ده ما اقول لكش الموزفين كلهم كلهم ساعة اذان الظهر مستنيين على باب المسجد. داخلين يصلوا. يقول لي اقسم بالله والاقي بعضهم - 00:46:24
في بيسلم علي والدمعة في عينه بتعيط ليه يا ابني؟ انا قرأت اية امبارح مأثرة في جدا قول هات في صنف من الناس كده في صنف ربنا يعافينا اذا عمل علما - 00:46:47

هو يعمله على شنب بيجي من وراه مصلحة دنيوية سواء بقى كان ثناء ناس منزلة عند ناس نسأل الله سبحانه وتعالى السلام انه ممكن في يوم من الايام وهو بيتكلم في الدرس يحاول بقى يعمل نفسه متأثر - 00:47:04
يا رب ارزقنا الاخلاص في اقوالنا وافعالنا اللهم امين الشيطان بيتللاعيب بنا لعب من اول الدرس لآخر درس بيتللاعيب بنا لعب ما بعده لعب ونسأل الله سبحانه وتعالى انه يرزقنا حسن مواجهة لهذا الشيطان - 00:47:20

طب الحنة دي دس عليها شوية. طب اتك على دي. طب في الخطبة بص طب مش عارف في بعض الناس ممكن يجي له الشيطان وهو بيدعو الى الله. وبيدعو الى الله. علشان يغير نيته. علشان يقول الكلمة بدل ما - 00:47:38

هو بيرجو من ورائها عودة الناس الى الله. يرجو من ورائها ان الناس تخرج تقول يا سلام! كانت خطبة النهاردة ما فيش بعد كده فدایما يا اخوانا بقول لكم اكبر عمل هيتحسر عليه الانسان يوم القيمة هو العمل الذي عمله الانسان يبتغي به الناس. لا يبتغي به الله سبحانه وتعالى - 00:47:55

اللي ممكن في يوم من الايام تروح جمعية خيرية وتشتغل تشتغل في عمل خيري علشان هي كانت بتدور على عريس فقالت الجمعيات الخيرية فيها ولاد وبنات فان الصاد واحد من هناك - 00:48:16

اللي ممكن في يوم من الايام يطلع في عمل خيري وبيهدل نفسه في عمل خيري ويرجو من وراء ذلك انه ثناء او كلمة من ناس او او الى اخره - 00:48:31

اللي ممكن يعمل عمل علشان يحس ان هو عمل النبي صلى الله عليه وسلم قال لنا ان اكثرا الناس حسرة يوم القيمة هؤلاء. قال الله سبحانه وتعالى تخيل انسان ان - 00:48:43

الاعمال دي كلها اتكتبت الملائكة شايفه واحد بيعمل الاعمال دي كلها فاتكتبت الاعمال. اتكتبت حسنات كتير وهو بين ايدين ربنا

سبحانه وتعالى يرى هذا المشهد. بسم الله الرحمن الرحيم وقدمنا الى ما عملوا من عملها - 00:49:02

تخيل انسان يرى جبال حسنات. جبال جبال حسنات. وبين ايديه في القيامة. ومرة واحدة يلاقي الحسنات دي بتتنسى في كده وقدمنا الى ما عملوا من عمل فجعلناه هباء منتشرة الایة الثانية اللي في سورة الغاشية قال الله وجوه يومئذ ايه ؟ خاشعة. يعني ايه خاشعة ؟ ذليلة حقيقة. عام - 00:49:22

ليلة ناصبة. يعني ايه اعملنا ناصبة ؟ يعني ايه في الدنيا ؟ عملت اعمال صالحة بالهبل. يعني ايه ناصبة ؟ يعني ايه ناصبة النصب والتعب. فربنا بيقول الناس دي عملت وايه ؟ وتعبت. فالناس دي يا اخواننا عملت اعمال كثيرة وتعبت - 00:49:49

وتعبت عاملة ناصبة. فالمتوقع اللي بعدها بقى في جنة عالية. للناس دي تعبت في العمل الصالح. عملت العمل الصالح وتعبت فيه الا ان الله قال شف اول الایات وجوه يومئذ خاشعة ذليل حقيقة. عاملة ناصبة شف اللي بعدها تصلى نارا - 00:50:09

شوف بقى العقاب تسقى من عين انية هي التي بلغت اعلى درجة من درجات الحرارة ليس لهم طعام الا من ضريح لا يسمى ولا يغنى من جوع بتقعد مع نفسك كده الناس دي عملت ايه - 00:50:33

بتلاقي اهل التفسير يقول لك دول اللي كانوا بيتبغوا نفسهم زمان في الدنيا في اعمال كثير ما كانوا يرجون من ورائهم وجه الله كانوا بيطلبوا كلام الناس كانوا بيطلبوا ثناء الناس. كانوا بيطلبوا منفعة معينة من وراء هذا الامر. زي ما بعض الناس بتلاقيها بتتدخلب كده وبيصليل ومراته منتبقة - 00:50:54

علشان يوصل لمركز معين تلاقوا ناس كده ان هو يقول لك مسلا انا اعبد لله علشان ينال مكانة معينة عند الناس. يعمل عمل معين على عشان ينال فلوس معينة عند الناس. فيه ناس كده لما بتعبد ربنا مش لله لمصلحة تانية. لمصلحة والعياذ - 00:51:18

بالله اخرج مصلحة دنيوية. ربنا بيقول ان دول اكتر الناس يتحسروا على احوالهم في القيامة. قال تعالى وقدمنا الى ما عملوا من عمل فجعلناه هباء منتشرة. لذا يا اخوان اللي عايز ينجو من الحسرة دي يوم القيمة يراجع دايما اعماله اول باول. عمله - 00:51:38

و عمل ليه اسمعوا الحديث ده النبي صلى الله عليه وسلم بيقول ان اخوف ما النبي خرج كما يقول ابو سعيد الخضري خرج علينا النبي صلى الله عليه وسلم ونحن نتذكر الدجال في فتنه اعظم من - 00:51:58

فقال النبي اولا اخبركم بما هو اخوف عليكم عندي من الدجال ؟ ايه ده ؟ في حاجة اعظم من الدجال ؟ قالوا قال النبي صلى الله عليه وسلم الشرك الخفي. قالوا يا رسول الله وما الشرك الخفي ؟ قال يقيم الرجل يقوم الرجل للصلوة فيحسن - 00:52:11

اهالي ما يرى من نظر الناس اليه الشرك الخفي سماه النبي شرك خفي ودي الناس اللي يوم القيمة نسأل الله سبحانه وتعالى السلامه اللي تكون حصتها كبيرة جدا. النبي يقول في الحديث من سمعها سمع الله به يعني ايه - 00:52:31

الله به يوم القيمة بعد ما كانت الناس في الدنيا بتقول عليه ده فلان كذا وفلان كذا يوم القيمة نسأل الله سبحانه وتعالى السلامه يسمع الله به على رؤوس الاشياد هذا الرجل ما كان يعمل للعمل ابتغاء وجهه انما كان يعمل العمل من اجل كلامكم. واشد حسرات هؤلاء - 00:52:50

يوم ما ربنا يقول لهم لما ينادي الله عز وجل على الذين كانوا يرأون الناس في الدنيا فيقول الله لهم اذهبوا الى الذين كنتم تراوون في الدنيا واطلبوا عندهم وحوض اجرك منه بقى - 00:53:13

يعطوا له اجر. ضاع الانسان ده للناسف يا اخواننا علشان الانسان ينجو من حصلة الاخره اول عمل محتاجين نعمله هو الایه اخلاص الانسان الدائم في كل قول وفي كل فعل عبادة. واختم معكم بجزئية مهمة جدا. لناسف كنت عايز اكمل الاعمال النهاردة بس ما لحقناش المشكلة الكبيرة جدا يا اخواننا ان - 00:53:27

بعض الناس لما بتتكلم معهم في الاخلاص والرياء حياتهم بتسود الدنيا عندهم بتضلهم لا يا اخواننا الامر يسير الامر يسير سيبونا بقى من متصرفه الكوفة والبصر اللي دوشوا دماغنا. دول كانوا ناس متصرفه ما كانوا من اهل العلم ما يعرفوش. وتلاقي الواحد يقول لك - 00:53:51

منهم ايه ؟ من رأى ان عمله فيه اخلاص فعمله هذا الاخلاص يحتاج الى اخلاص وتلاقيه يكلع لك الدنيا والدنيا كلعتك ما تبقاش

عارف تعمل ايه. حتى ان فيه سؤال جاي لي الان بيقول لي يعني يعني حاجة زي كده برضو يعني - 00:54:12

الخوف اهو الخوف من طلب العلم لعدم الوقوع في الرياء. ايه الحل؟ اهو لا يا اخواننا الامر بسيط. انا لا افعل هذا ابدا العمل بلحظات يا رب والله ما افعل هذا العمل الا ابتغاء وجهك. بينك وبين ربنا. جه الشيطان انا بقول لك اهو الشيطان بيتلعب بنا في الخطبة وفي الدرس مئة مرة - 00:54:32

بالسيف. يعني فاحنا بقى لو الخوف بقى من الرياء نقعد في بيوتنا. لا احنا مطالبين ان احنا كل ما يجي يقول لك اعمل حاجة معينة رياء اعوذ من الشيطان الرجيم. اللهم اجعل هذا العمل خالصا لوجهك. بس - 00:54:52

خلاص بقى انت في نهاية الخطبة بتশطب ؟ اللهم اجعل هذا العمل خالصا لوجهك. وتنزل. اللهم اجعل هذا العمل خالصا لوجهك. تدعوا ربنا دايما انه يرزقك الاخلاص في اقوالك واعمالك. اما بقى الناس اللي حاولوا يفهمونا الاخلاص ان ده شيء مش موجود اصلا. لأنقول لهم انتم مش من اهل العلم - 00:55:07

اهل العلم علمنا ان الاخلاص عمل قلبي بين العبد وبين ربنا ايه يا رب؟ هذا العمل ابتجي به وجهك. انوي بهذا العمل. وجه الله عز وجل تلاقي ربنا سبحانه وتعالى - 00:55:27

يحيي قلبك بهذا العمل يفرحك جدا بالعمل ده في الدنيا. ويفرحك جدا بالعمل ده. يوم ما تلقى الله سبحانه وتعالى. حاول كده اجواب على الاسئلة بتاعتكم سريرا ان شاء الله - 00:55:37

طيب حكم خروج المرأة من بيتها وهي وضعها برفان لا يستطيع احد ان يشمه. طيب المرأة النبي صلى الله عليه وسلم قال لنا في شأن طيب الرجل هو ما ظهر ريحه وخفى لونه - 00:55:50

الرجل انت لو تحط مسلا طيب عندك او ريحه بتتشوف لها لون؟ ماشي كده؟ طيب. اما طيب المرأة وقال النبي صلى الله عليه وسلم تطيب المرأة ما ظهر لونه وخفى ريحه - 00:56:10

فازا كان السؤال على قدر ما عندي ان البرفان ده او الريحة دي ما فيش لها ريحه فلا بأس ابدا. لأن العلة فعندنا في تحريم خروج المرأة متعطرة ان يجد الناس ريحها. ايها امرأة خرجت من بيتها متعطرة ليجد الناس ايه - 00:56:25

طب هو ما فيش ريحه اصلا. فلا شيء في ذلك باذن الله. اذا حطت مسلا نوع من انواع المزيلات للعرق مسلا مزيل للعرق هو ما لهوش ريحه اصلا ولكن بيكتم اي ريحه غير طيبة ممكن تظهر منها. نقول لها جزاكم الله خيرا. جزاكم الله خيرا. طب ازا وضع الطيب له ريحه نقول لها - 00:56:45

حرام كبيرة من الكبائر تقع فيها المرأة. تقع فيها المرأة طيب ما الحكم اذا اصاب الملابس نجاسة دون علم مرتدتها؟ وصلى بها هل تبسيط صلاته؟ طيب متى علم متى علمت؟ في الفقه آآ يعني هنتعلم ان شاء الله آآ يكون عندنا دقة شوية في الفقه. هو هنا بيسأل بيقول ان في واحد على - 00:57:05

نجاسة وعلم مرتدتها هل يا ترى الصلاة صحيحة اذا صلى بالنجاسة السؤال هنا متى علمت؟ اذا علم بالنجاسة وقت الصلاة قبل الصلاة وصلى حكم الصلاة ها علم بالنجاسة قبل الصلاة وصلى بالنجاسة حكم الصلاة - 00:57:33

لان من شروط صحة الصلاة طهارة التوب وثيابك فطهره. صح كده؟ طيب. علم بالنجاسة بعد الصلاة ها لا شيء عليه. لا شيء عليه. والصلاحة صحيحة. والدليل على ذلك حديث النبي صلى الله عليه وسلم لما صلى واثناء الصلاة خلع نعله - 00:57:58

له. فالصحابية خلعوا نعلهم. اسأل الله ان يرزقنا التابع والامتثال لامر النبي صلى الله عليه وسلم. فلما انهى النبي الصلاة قال لهم انت ليه خلعت من نعال القبر رأيناك خلعت فايده؟ اه انت قلعت النعل بتاعك احنا قلعننا احنا كمان - 00:58:18

جزاكم الله خير فالنبي قال لا ولكن جاءني جبريل فاخبرني ان فيهما اذى فالعلماء قالوا لو كانت الصلاة باطلة كان النبي قال السلام عليكم ورحمة الله. والسلام عليكم ورحمة الله. وبدأ الصلاة ايه؟ من الاول. ولكن اخذ العلماء هنا - 00:58:33

حكم ان الانسان اذا صلى وعلي ثوبه نجاسة لم يعلم بها حتى انتهى من صلاته فصلاته صحيحة. الحالة الثالثة ان يعلم بالنجاسة في وقت الصلاة اذا علم بالنجاسة في وقت الصلاة يعمل ايه - 00:58:50

اذا كانت النجاسة دي على حاجة من الشيب يمكن خلعها لها النجاسة على الشراب. يخلعها ويكمel الصلاة طب لقى النجاسة على البنطلون لأنها هىخرج من الصلاة ويغسل النجاسة ويصلى. طب يتوضأ ولا لا يتوضأ؟ ها؟ لا لا يتوضأ. يزيل النجاسة فقط. يزيل النجاسة فقط. طيب آآ - 00:59:07

الحكم ايضا فيمن صلى لغير قبلة. ما هو السؤال ده لأن ما ينفعش كده ما ينفعش اقول اعادة الصلاة مطلقا اول حاجة لازم اسئلته الصلاة دي كانت سنة ولا فرض - 00:59:37

اليس كذلك؟ بلى لأن ممكن الانسان يصلى السنة لغير قبلة. حديث ابن عمر كان النبي صلى الله عليه وسلم يسبح على راحلته حيثما توجهت دي النافلة او مثلا يكون الانسان ده مريض - 00:59:53

فإذا كان مريضا ولا يستطيع التوجه للقبلة فصلى لغير قبلة حكم الصلاة صحيحة. لا عارف يتوجه للقبلة ولا في حد يحركه للقبلة زي عين الناس اللي بيتحكم عليها بالاعدام لما تخش مستشفى من مستشفىاتنا للاسف - 01:00:09

او او صلى الى غير قبلة جاهلا انا مسلا سافرت القاهرة آآ اجهدت ما عييش نت مش عارف انزل برنامج اجهدت ادور على حد مش لاقى حد فصليل اجهدت كده فصليل ثم تبين لي اني لغير قبلة. فحكم صلاة هذا الجاهل صحيحة بعد ما اخذ بالأسباب - 01:00:25

اما اذا كان عالما بالقبلة مستطاع التوجه للقبلة. ثم صلى لغير قبلة فحكم الصلاة لا تصح حكم لا ما احنا قلنا النافلة بقى النافلة تصح لغير آآ لغير قبلة. في السفر - 01:00:49

شيء نجس بول غائط دم دمي كثير حكم خروج المرأة المنتقبة من بيتها وهي مكتحلا كحل خفيف جدا لا يكاد يرى بالعين انا استشعر اني استدرج من المسؤولين اللي فاتوا دول - 01:01:09

اه ده فخ نفح هي بدأت اولا بالريحة اللي ما بيشهمهاش حد. وبعد كده بالكحل الخفيف جدا الذي لا يكاد يرى. طب ازا كان الكحل جدا لا يكاد يورو بتحطه ليه؟ حرام وضع الريحة وحرام الكحل - 01:01:32

صح كده؟ والله العزيم بيعملوا فينا عمايل. والله العزيم بيعملوا فينا عمايل بقى احسانا الزن طبعا. حكم دخول اللحية حكم حلق اللحية بسبب او بدون سبب. اما ازا كان بسبب داخل الجيش فلا بأس - 01:01:54

اما ازا كان لغير سبب ارى والله اعلم ان هذا حرام وهذا قول الائمة الاربعة حكم دخول الخلاء وفي جيبي ورقة بها ايات واحاديث اذا كانت في جيبي ولا تخرج ولا تظهر فلا شيء في ذلك - 01:02:20

فلا شيء في ذلك. آآ لما روي وان كان في الحديث في اسناده ضعف الا انه من الاحاديث اللي متفق على معناها ان النبي صلى الله عليه وسلم كان اذا دخل الخلاء - 01:02:36

وضع خاتمة. يعني ايه وضع خاتمة؟ دي روایات ضعيفة. خلعه وسابه بره لأن ليه سبب الخاتم بتاعه برة؟ اه عشان مكتوب عليه محمد رسول الله هقول لك اهو هقول لك اهو. طيب انا بقى رحت السعودية ومعي مسلا الف ريال الفلوس - 01:02:46

مكتوب عليها ايات ومكتوب عليها مسلا الملك عبدالعزيز الملك مش عارف مين عبدالعزيز ده اسم الله سبحانه وتعالى عبد الملك اسم الله سبحانه وتعالى. فطبعا مش هقول لك وسبيب الفلوس برة لأن انت لو سببها برة - 01:03:09

لا حطها في جيبي ولا تظهر. واستدل العلماء على ذلك بان النبي كان اذا دخل الخلاء ادار خاتمة ادار خاتمة النبي كان يقوم مدور الخاتم كده ويقبض عليه هو لما يقبض عليه بيظهر لفظ الجلالة في هذه الحالة اللي داير مسلا معه فلوس عليها آآ لفظ الجلالة اللي داخل معه ورقة - 01:03:25

آآ طب مصحف آآ سبب برة ما حدش هيسرقه. والله العزيم هيقولوا اللي ماسك مصحف ده واحد غلبان والله يحط لك عليه فلوس وهتمشي. فانت جرب كده وسبيب بس اللي يجي لك بالنص - 01:03:51

المصحف سبب بره. المصحف سبب بره. هذه مما اتفق عليه العلماء على حرمة دخول الانسان بالمصحف السلاسل حلقها حرام. انه ياخذ مزاد عن القبضة ممكن نقول يعني ايه ها ممكن بعض العلماء اجازها. لفعل ابن عمر. ما زاد عن القبض - 01:04:05

آآ السلاسل اللي مكتوب عليها ايات قرآنية آآ حطوا حطوا السلسلة جوة الهدوم. بحيس ما تظهرش بحيث ما تظهرش للنساء طبعا. للنساء للنساء. ليس السلسال للرجال اصلا حكمها؟ يا جماعة يا جماعة دي مش - 01:04:29

الرجالة دي بتاعة الستات هل علي اتم اذا حفظت سورة من كتاب الله؟ ثم نسيتها؟ طبعا حرام عليك. حرام عليك راجع القرآن وداوم على قراءة القرآن ما حكم الحجارة في المكياج؟ في الایه - 01:04:49

هقول لك هو انا مش عارف يعني ايه الحجارة في المكياج الایه؟ اه. التجارة في المكياج بس هي الحجارة. طيب اه الاصل في المكياج انه حلال ولا حرام؟ الاصل لا الاصل - 01:05:23

الاصل فيه. الاصل فيه انه حلال الاصل فيه ان المرة كانت بتاخد المكياج تتنزيل لزوجها. ده الاصل فيه انه حلال الاصل فيه انه حلال الاصل فيه. طيب اه اخت من اخواتنا بتحضر معنا في الدروس وشغالة في شركة معينة بتبيع مكياج وحاجات من كده. يجوز ام لا يجوز؟ بصوا اما اذا كان - 01:05:55

بياع الاخوات مثلا منتقبات او اخوات محجبات لابسة ايشارب وبس. ولكن معلوم عنها ان هي ما بتحطش المكياج ده في الشارع. بتحطه لزوجها في فلا بأس ابدا. بل تأخذ بل تأخذ هذه الاخت اللي بتبيع المكياج اجر. ادخال السعادة على قلب مسلم - 01:06:16 والله كده هو النبي صلى الله عليه وسلم يقول اذا نظر اليها ايه؟ سرت فبتدخل السرور وعلى قلب مسلم اما اذا كان آآ داخلة عليها واحدة متبرجة تبرج صاحب تقول لها انا عايزه من الروج ده وعايزه مش عارف من الایه ده ومن الایه ده فهل يجوز ان هي تعطي - 01:06:35

لان لان الله عز وجل يقول ولا تعاونوا على الاثم والعدوان ولا تعاونوا على الاثم والعدوان هل قل هو الله احد تعدل ثلث القرآن؟ هل معناه الثواب؟ ام غير ذلك؟ قولين للعلماء بعضهم قال في الثواب وبعضهم قال في المعنى وبعضهم قال في المعنى والمعنيين صحيحين - 01:06:59

جزاكم الله خيرا انا يحيى هو فين؟ ماشي يا يحيى ربنا يا رب يصلح حالك يا ابني يا رب ويحفزك ويبارك فيك ويبارك فيك في والدك وفي والدتك وفي اخواتك يا رب - 01:07:19

اه هو في حد بيقول انا مش هقول السؤال طبعا هو بيقول انا نفسي ارجع زي الاول مش عارف كل ما ابعد عن المعصية الكبيرة وحطها بين قوسين ارجع تاني بجد تعان قوي مش عارف اعمل ايه - 01:07:35

بص يا ابني محلك حلك سب الشارع والحي اللي انت قاعد فيه ده ورح في مكان تاني انقل من من المكان ده هتقول لي ما فيش فلوس؟ هقول لك استلف من طوب الارض وسب الشارع ده والحي ده والمكان ده ورح مكان تاني. ولو تستطيع انك تسافر برة مصر - 01:08:04

صفر ولو تستطيع انك تسافر لان الذنب ده النبي صلى الله عليه وسلم لما تكلم عنه قال ان لازم صاحبه على الاقل يبعد سنة عن المكان ده لان طول ما الانسان موجود في المكان ده هيرجع تاني للذنب مرة واتنين وتلاتة. فلازم على الاقل تطلع برة المكان ده سنة - 01:08:30

لازم تبعد سنة وتختار ارضس كده فيها علماء فيها ناس من اهل الدين واهل الصلاح تقدع وسطهم انما يا ابني هتقول لي انا عايز اتوب. والمعصية دي حواليك وما بتقدرش تسيبها كمان وانت شاب والكلام ده هترجع تاني - 01:08:54

حلك الوحيد ما فيش حل الا كده. هتقول لي ما فيش بيع منديل في الشارع ما عكش فلوس بيع منديل في الشارع. استلف مبلغ من الناس ورح سوق جملة هات شوية فاكهة وامش بعهم في الشارع. بس اللي - 01:09:15

لازم تبعد عن المكان ده على الاقل سنة. ده فعلا اللي عايز ان هو فعلا يعني يسيب الذنب ده يسيب المعصية دي. اما وجودك في المكان هتقع مرة واتنين وتلاتة - 01:09:33

اعمل اي حاجة. اعمل اي لاقدر الله. اعتبر لاقدر الله. حصلت حريقة في البيت عندكم. ربنا يسلامك ويسلام المسلمين يا رب من كل شر وسوء وما عدش لكم بيت تاني فانتم بتدوروا على بيت تاني في اي حته. ابويها وامي خد ابوك وامك معندي. وانا على يقين انك لو

عملت كده بترضي - 01:09:47

ربنا يفتح لك الف مليون سبب انك تعيش حياة كريمة. طالما انت بتخرج لله سبحانه وتعالى. بعد ما ربنا سبحانه وتعالى قال في كتابه في اواخر سورة العنكبوت يا عبادي الذين امنوا ان ارضي واسعة قال سعيد بن جبير اي اذا عمل في الارض بالمعصية هاجروا منها

01:10:07

ومن الارض دي اي حد فينا هييسأل نفسه يقول طب يا ترى انا لو هاجرت في مكان تاني لا معندي فلوس ولا ولا اي حاجة اعمل ايه؟ الایات اللي - 01:10:27

بعدها الایات اللي بعدها مباشرة ربنا قال ايه وما من دابة في الارض الا على الله رزقها واحنا في رحلة غينيا اه اخونا حسام كان شاهد معنا انا وقف وقفه كده تعجبت - 01:10:37

حد كان جايب معه اكل هنا من المنصورة. الاكل منين عشان اقول لك هييجي لك رزقك من مكان ما كنت تتخيله. رزقك هييجي منين؟ ها؟ انا دلوقتي من المنصورة. فاحنا واحدين اكل معنا واحدا طالعين من المنصورة - 01:10:56

رحنا قعدنا في كوناكري العاصمة في غينيا وبعد كده رحنا مكان بعيد عن العاصمه حوالي ربعمية كيلو. وبعد تعب وعناء اللي كان يعني عارف الاماكن والكلام ده قال بقى انت تعبتوا تعالوا ايه افسحكم يوم. رحنا في حته اسمها الشلال فيها شلالات وكده -

01:11:12

علشان نقعد في المكان ده. خدنا الاكل اللي جايبينه من المنصورة خدنا الاكل اللي جايبينه منين؟ من المنصورة. ورحنا ناكل هناك. ورحنا ايه؟ ناكل هناك. وتفاجأ ان النمل يتجمع على بقايا الاكل بتاعكم علشان يأكلوا ويأخذوا للحجر بتاعه. الاكل ده جاي منين؟ لنمل فين؟ ما كان يتخييل ان الاكل ده ممكن - 01:11:32

في يوم من الايام بيعدي آآ الشلالات دي على غابة. تلات اولاد شافوا ناس بقى ايه بيض. يا ترى دول بقى مين؟ عفاريت مين دول؟ فجم بيصوا علينا واحنا بناكل. فاخونا حسام ربنا بيارك فيه قام مجهز لهم طبق كده. وقام منادي لهم خدوا الاكل ده - 01:11:57
ايه ده! الاكل ده جاي منين؟ وانت منين؟ هل كانوا يحتسبوا ان هم بيلعبوا وسط الغابة انه هيلاقوا اكل؟ جه الاكل منين من مكان ما كان انسان يتخييله مش في الحسبان. يا ابني يا اللي في يوم من الايام بتدور على رزق ورزق اللي انت فيه حرام - 01:12:17
اكثر حاجة بتحول بين الانسان وبين ترك الرزق الحرام ده انه بيعقد يدور وبيحسب في الاماكن الایه؟ اللي في دماغه المعروفة يا ابني ما تتعبس نفسك لان رزقي لما هييجي هييجي منين؟ من مكان مش معروف ربنا قال ويرزقه من حيث فانت لو قعدت تحسب -

01:12:37

ييجي منين هتللاقي الدنيا بالنسبة لك واقفة هو هييجي لك من مكان انت ما كنتش في يوم من الايام تتخيل ان الرزق ده ممكن يجي لك منه انا اقول لكم على حاجة - 01:12:57

امبارح انا كنت مع حد صاحبي في مشوار بالعربية. فيبيقول لي انت يعني ايه اول حاجة هتعملها لغينيا قلت له ان شاء الله انا عايز اجمع مصاحف. الاماكن هناك ما فيش فيها مصاحف خالص. مصاحف قليلة والمصحف يعني هنبقى نوريكم الفيديوهات -

01:13:14

يعني مهري خالص فقلت له انا عايز اودي اولا اول حاجة عايز اعملها مصاحف لقيته بيعمل لي ازاي؟ انا طبعا كنت هبدأ معكم في حملة تجميع مصاحف ماشي كده؟ والله يا اخواننا الاخ ده قام واقف معي كده قايل لي ازاي؟ يعني انت عايز مصايف؟ قلت له اه. قال لي طب ما تقولتليش ليه؟ قلت له خير - 01:13:37

شف بقى من حيث لا يحتسب بقى دي. لقيتهم بيعملوا ازاي؟ انا الشیخ اللي انا احافز على ایده في الحرم المدنی واسطة كبيرة جدا وراجل اعمال كبير جدا وشيخ وراجل اعمال كبير جدا. وعلى علاقه قوية بمجمع الملك فهد اللي في مكة - 01:14:03
وانا قبل كده كلمنه وبعث لي كونتيير مصاحف من المصايف بتاعة الایه؟ بتاعة المجمع. سلام عليكم شيخنا. احنا حصل كذا كذا
كذا كذا. ان شاء الله بازن الله نبعث لكم الكونترول من السعودية على غنى - 01:14:22

من حيث ايه؟ اذا كنت متوقع هجوم الكونتير منين؟ من هنا. فانت فوجئت ان هو فيه باب تاني خالص خلاص الکنترول
هيتحول لك وخلاص بفضل الله سبحانه وتعالى - 01:14:37

هو كده لازم تفهم في معصية هتسبيب الارض دي هتروح ارض تانية منين من حيث لا يحتسب. لازم تفهم ده في
عمل حرام وشايل هم هسيبيه ازاي واروح فين واعمل ايه؟ من حيث لا يحتسب. ممكن تبقى في قرصه شوية. عشان يتبيّن الصادق
من غير الصادق - 01:14:54

بس بعدها تلاقي رزق ربنا سبحانه وتعالى جاي لك من من مكان لا تتخيله. اختم بال موقف ده اخ كان ملحن لناس كبار جدا. من
اشهر المغنيين في مصر وفي الوطن العربي. اتوب ارجع لربنا - 01:15:15

اتوب ازاي؟ انا علي يعني انا بلحن ده اغنية وبلحن لده بالبوم وباعمل لده مش عارف ايه. فانا اشتريت حته ارض بالتقسيط وعلى
مبلغ كبير جدا والله يا اخوانا زي ما باقول لكم كده علي مبلغ كبير جدا يعني مش هينفع اسيب الكلام ده دلوقتي - 01:15:32
ده انا حتى لو اشتغلت في التلحين الاسلامي انت عارفين اصلا ان الدنيا عندنا واقعة اصلا. القنوات بتاعتنا بتتحج تراب خلاص انا
سايبيا لله. طب ممكن ابيع مسلا كزا؟ طب اعمل كزا؟ طب ممكن اكلم كزا؟ ويথبط على كل الابواب دي؟ ما فيش. الابلاء بقى اهو
- 01:15:50

العصر بقى اهو طب هتعمل ايه؟ هتكلم في التوبة ولا هترجع تاني والله ما انا راجع انا مكمل ويفاجئ ان قناة خليجية من اكبر
القنوات الخليجية اتصلت عليه قالت له احنا داخلين على على رمضان وعندنا عشرين تلاتين برنامج عايزين نعمل لهم - 01:16:13
شوية ايه؟ الحان عندنا الكلمات وعايزين نعمل الحان. يقول لي والله العظيم اضعاف اضعاف اللي كنت باخدده في الحرام ربنا بعنته لي
في الحال اووعي في يوم من الايام تشـك - 01:16:33

في رزق ربنا سبحانه وتعالى. طالما ان ربنا وعد وقال ويرزقه من حيس لا يحتسب. لا يحتسب هييجي لك الرزق من حيث لا تتحسب
اخونا بقى نرجع له الارض اللي انت فيها يا ابني لازم تسيبها - 01:16:45

لازم ده الحل. سيبنا من الكلام كتير انا بكلمك من منطلق واحد شاف الحاجات دي كتير. مع ناس جت بتحكي لي اعمل ايه سبب يا
ابني مش هينفع اسيب هفضل موجود. يا ابني بيع المحل ده وشوف لك محل تاني. مش هينفع. يا ابني سب المكان ده ورح في اي
حته تانية. مش هينفع - 01:17:00

امشي امشي امشي والله يا اخوانا فضل على كده اربع سنين. كل سنة اشوفه في رمضان بييجي يقعد يعيط دم وسبحان الله!
سبحان الله! فين بعد اربع سنين! لما قفل المحل اللي كان صغير قد كده! وربنا فتح عليه دلوقتي في مكان يعني ما شاء الله! الله اكبر
- 01:17:20

الله اكبر. وكل ما اشوفه اقول له انا انا عايز اهبدك بالکوبایة دي في وشك. على التأخير اللي انت اتأخرته ده فانا نصيحتي سب
الارض دي. سب البلد دي. سب الشارع ده. سبب الحي ده. سبب العمارة دي ورح مكان تاني - 01:17:38
وشف فتح ربنا عليك هيبيقى عامل ازاي. جزاكم الله خيرا - 01:17:52